



Broj: 07-04-38989-69/21

Sarajevo, 18.02.2022. godine

**SKUPŠTINA KANTONA SARAJEVO**  
**Predsjedavajući Skupštine Kantona Sarajevo**

**Predmet: Odgovor na zastupničko pitanje zastupnice Amre Hasagić**

Zastupnica Amra Hasagić na 43. radnoj sjednici Skupštine Kantona Sarajevo, održanoj dana 03.11.2021. godine, u okviru tačke dnevnog reda „Poslanička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo postavila je **zastupničko pitanje** kako slijedi:

**“Upućujem pitanje Vladi Kantona Sarajevo koliko je neopravdanih sredstava po javnom pozivu za finansiranje organizacija civilnog društva u 2019., a koliko u 2020. godini?”.**

**Odgovor:**

Ministarstvo privrede - Uprava za šumarstvo je objavila Javni poziv za prikupljanje ponuda radi dodjele namjenskih sredstava za finansiranje/sufinansiranje projekata iz oblasti šumarstva iz Budžeta Kantona Sarajevo za 2019. godinu koji je objavljen dana 05.09.2019. godine u dnevnom listu «Oslobođenje», i u skladu sa Pravilnikom o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo («Službene novine Kantona Sarajevo», broj: 19/14, 12/16, 13/17 i 46/18 ).

Po Javnom pozivu za sufinansiranje/finansiranje projekata neprofitnih organizacija prijavilo se 10 udruženja građana. Nakon pregleda dostavljene dokumentacije utvrđeno je da 7 udruženja građana ispunjavaju uslove iz Javnog poziva te su im i dodjeljena finansijska sredstva u ukupnom iznosu od 20.000.00 KM za realizaciju apliciranih projekata. Predmetna sredstva su opravdana tako da nije bilo neopravdanih sredstava.

Shodno odredbama Zakona o ublažavanju negativnih ekonomskih posljedica i uštedama u Kantonu Sarajevo («Službene novine Kantona Sarajevo», broj: 18/20), Program utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo u 2020. godini nije rađen.

Članom 11. pomenutog zakona je definisano:

(1) U periodu dok traje stanje nesreće i 180 dana po prestanku nesreće odredbe propisa donesenih na nivou Kantona kojima je uređeno namjensko korištenje sredstava Kantona, Grada Sarajeva i općina u Kantonu, neće se primjenjivati.

(2) Sredstva iz stava (1) ovog člana mogu se trošiti za saniranje zdravstvenih i socijalno-ekonomskih posljedica izazvanih nesrećom.

(3) Odluku o prenamjeni sredstava iz stava (1) ovog člana donosi Vlada, gradonačelnik i načelnik općine.

Iz navedenih razloga Ministarstvo privrede - Uprava za šumarstvo nije objavljivala Javni poziv za prikupljanje ponuda radi dodjele namjenskih sredstava za finansiranje/sufinansiranje projekata iz oblasti šumarstva iz Budžeta Kantona Sarajevo za 2020. godinu

S poštovanjem,

**Dostavljeno:**

- ① Naslovu,
2. Vladi Kantona Sarajevo-na znanje,
3. Evidenciji,
4. Arhivi.

